

新刊醫學啓源卷之中

楊氏啟

內經主治倫要

○五運主病

論

論

諸風掉眩皆屬肝木

諸痛痒瘡瘍皆屬心火

諸濕腫滿皆屬脾土

諸氣膈鬱病痿皆屬肺金

諸寒收引皆屬腎水

○六氣為病

諸暴強直肢痛軟矣裹急筋縮皆屬於風

諸病喘嘔吐酸暴注下迫轉筋小便渾濁腹脹大而鼓

之有聲如鼓應疝瘡疹癰氣結核吐下霍亂發鬱腫



脹鼻塞孰衄血溢血泄淋閉身熱惡寒顛慄驚惑悲  
咲譫妄衄衄血汚皆屬於熱

諸瘞強直積飲痞隔中滿霍亂吐下體重跗腫肉如泥  
按之不起皆屬於濕

諸熱瞽瘵暴瘖冒昧躁擾狂越罵詈驚駭跗腫疼酸氣  
逆衝上禁慄如喪神守噎嘔瘡瘍喉痺耳鳴或聾嘔  
涌溢食不下目昧不明暴注眼瘵暴病暴死是皆屬  
於火

諸濡枯涸乾勁絛揭皆屬於燥

諸病上下所出水液澄澈清冷癢癢癩疔堅痞腹滿急  
痛下洩清白食已不飢吐痢腥穢屈伸不便厥逆禁  
固皆屬於寒五運主病木火土金水順則皆靜逆則  
變亂四時失常陰陽偏勝病之源也

○諸風掉眩皆屬肝木

註云掉搖也眩昏亂旋運也風主動故也所謂風氣  
甚則頭目眩者由風木旺則必是金衰不能制木故  
木生火木火者皆陽也故風火多兼化也風熱相搏  
則頭目眩運而轉也火性本動火得風則成焰而旋  
轉也風勢甚則曲直動搖更加嘔吐也

○諸痛痒瘡瘍皆屬心火

註云痛痒而為瘡火之用也五常之道過極則勝以  
反來制之故火熱過極而反兼於水化也所謂益能  
固物而令不腐者鹹寒水化制其火熱使無熱之過  
極乃水化制之而又固也熱極即是木來生火也甚  
則皮肉肌膚之間不得宣通故生瘡瘍而痛痒也

○諸濕腫滿皆屬脾土

註云濕地之體也濕極甚則痞塞腫滿物濕亦然故  
長夏暑濕之甚廢物陰盛也

○諸氣臍鬱病痿皆屬肺金

註云肺主氣為陽陽主輕清而升故肺居上部而為  
病則氣鬱痿弱手足無力不能收持也乃血液衰  
故病然也秋金用則霧氣蒙鬱而草木萎落病之象  
也

○諸寒收引皆屬腎水

註云收斂引急寒之用也故冬寒則物拘縮矣  
六氣為病風熱濕火燥寒乃天之六氣也

○風木厥陰肝膽之氣也

諸暴強直肢痛痠疾裏急筋縮皆屬於風

註云暴卒也虐害也強勁有力而不柔和也直筋勁  
強也支痛支持也堅固支持筋攣不柔而痛也痠痠

縮也矣乖戾也謂筋縮裏急乖戾失常而病也然燥  
金主爲緊歛短縮勁切而風木爲病反見燥金之化  
者由亢則害承乃制也况風能勝濕而爲燥也筋縮  
者燥之甚也故謂風甚皆兼於燥也

○熱者少陰君火之熱乃真心小腸之氣也諸病喘  
註云熱則息數氣麤而爲喘也故熱則脉實而甚數  
喘之象也

○嘔

註云火氣炎上之象也故胃隔熱甚則爲嘔也

○吐酸

註云肝木之味也由火實制金不能平木則肝自甚  
故爲酸也法宜濕藥散之亦由解表之義也使腸胃  
結滯開通怫熱散而和之若久喜酸而不已不宜溫  
之宜以寒藥下之後以涼藥調之結散熱去則氣和  
之

○暴注

註云卒暴主泄腸胃熱甚則傳化失常火性疾速故  
云是也

○下迫

註云後重裏急窘迫急痛也火性急速而能燥物故

也

○轉筋

註云轉反戾也熱氣燥燥於筋骨攣而痛也所謂轉者動也陽動陰靜熱証明矣多因熱甚霍亂吐瀉以致脾胃上衰則肝木自甚而熱燥於筋故轉筋也大法曰渴則爲熱凡霍亂轉筋不渴者未之有也或不因吐瀉而但外冒於風而腠理閉密陽氣鬱結怫然內作熱燥於筋則轉筋也故諸轉筋以湯漬之而使腠理開泄陽氣散而愈也因湯漬之而愈故反疑爲寒也

○小便渾濁

註云夫氣熱則水渾濁寒則水清潔水體清火體濁故也又如清水爲湯則自然濁也

○腹腸大而鼓之有聲如鼓

註云氣爲陽陽爲熱氣甚則然也

○癰

註云淺而大也經曰熱勝血則爲癰膿也

○疽

註云深而惡也

○瘍

註云有頭小瘡也

○疹

註云浮而小癭疹也

○瘤氣

註云赤瘤赤燂熱勝也火之色也

○桔核

註云火氣熱甚則鬱結堅硬如果中核也不必潰發  
但以熱氣散則自消也

○吐下霍亂

註云三焦爲水穀傳化之路熱氣甚則傳化失常而  
吐下霍亂火性燥動故也大法曰吐利煩渴爲熱不  
渴而寒或吐泄始得之亦有不渴者若不止則亡液  
而後必渴也或本不渴若不止津液過多則亦燥而  
渴也若寒者脉當沉細而遲熱者脉當實大數或損  
氣亡液過極則脉亦不能實數而反緩弱也雖爾亦  
不爲熱矣

○瞢

註云昏也熱氣甚則濁亂昏昧也

○鬱

註云佛熱結滯而氣不通暢也所謂熱甚則腠理閉

密而鬱結也則如火煉物及相合而不離也故熱鬱則閉塞不通暢也然寒永生於閉藏而今反屬熱者謂之熱亢甚則反薰水化制之故也

○腫脹

註云熱勝于內則氣鬱而為腫也陽熱氣甚則腹脹火主長而高茂形貌彰顯升明舒榮皆腫脹也

○鼻塞

註云窒塞也火主臍臍腫脹故陽明熱而鼻中臍脹則窒塞也

○衄

註云鼻出清涕也夫五常之道微則當其本化甚則薰其鬼賊故經曰亢則害承乃制也由是肝熱甚則出汗脾熱甚則出涎肺熱甚則出涕腎熱則出唾此乃寒生皮毛則腠理閉密陽熱怫鬱病熱也

○衄

註云陽熱怫鬱于手足陽明而上熱甚則血妄行為鼻衄也

○血溢

註云上出也心養于血故熱甚則血有餘而妄行也

○血泄

註云熱在下焦而大小便血也

○淋

註云小便澀痛熱客膀胱鬱結而不能滲泄故也可用開結利小便之寒藥以使結散熱退血氣宣通榮衛和平精神清利而已

○閼

註云大便澀滯也熱耗其液則糞堅結大便燥澀緊斂故也俗謂風熱結謂火甚則制金不能平木則肝木自甚故也或大便溏而閉者燥熱在乎腸胃之外而濕熱在內故也

○身熱惡寒

註云此熱在表也邪熱在表而淺邪畏其正故病熱而反惡寒也仲景云無陽不可發汗又云身熱畏寒麻黃湯汗之汗泄熱去身涼即愈

○戰慄

註云動搖火之象也陽動陰靜而水火相反故厥逆禁固屈伸不便為病寒也慄者寒冷此由心火熱甚亢極而戰反兼水化制之故寒慄也然寒者由火甚似水實非兼有寒氣也故以大承氣湯下之多有燥糞下後熱退戰慄愈矣



○驚

註云心卒動而不寧也火主動故心火熱甚也雖爾止爲熱極於裏乃火極而似水則喜驚也反兼腎之恐者亢則害承乃制故也

○惑

註云疑惑猶豫濁亂而志不一也象火參差而惑亂故火實則水衰失志而惑也智者腎之神也

○悲

註云金肺之志也金木燥能令燥者火也所謂悲泣五液俱出也火熱亢極而反兼水化制之故也

○笑

註云香芳鮮淑舒榮彰顯火之化也故喜爲心火之志也喜極而笑者猶燔爍火喜而噍笑之象也

○譫

註云多言也言爲心聲猶火燔而鳴故心火熱則多言猶心醉而熱故多言也

○妄

註云虛妄也火爲陽故外清明而內濁昧其主動亂故心火熱甚則腎水衰而志不專一虛妄見聞而不問者則神志失常而如見鬼神也

○衄血汚

註云血出也汚濁也心火熱極則血有餘熱氣上甚則為血溢熱勢亢極則燥而汚濁亢則害承乃制則色兼黑而為紫也

○濕者太陰濕土乃脾胃之氣也

○諸瘞強直

註云筋勁強直而不柔和也主土安靜故也陰瘞曰柔瘞陽瘞曰剛瘞亢則害承乃制故病濕過極則反兼風化制之而然兼化者虛象也實非風也治風則誤

○積飲

註云留飲積蓄而不散也土得燥則消散濕則不消以為積飲土濕主瘞故也

○瘞

註云與否同不通泰也謂紋經閉密而為瘞也

○隔

註云阻滯也謂腸胃隔絕而傳化失常也

○中滿

註云濕為積聚瘞隔而土主形體位在中央故中滿也

○霍亂吐下

註云濕為留飲為痞隔而傳化失常故甚則霍亂吐泄也大法曰若利色青者肝木之色由火甚制金使金不能平木則肝自甚故色青也或言利色青為寒悞也則如仲景曰少陰病下利清水色純青者熱在裏也大承氣湯下之及小兒熱甚急驚利色多青為熱明矣利色黃由火甚則水必衰而脾土自旺故色黃也利色紅者為熱心火之色也或赤者熱深也利色黑而反為熱者由火盛過極而反薰水化制之故色黑也則如傷寒陽明熱病則日晡潮熱甚則不識

大便如見鬼狀獨語法當大承湯下之大便不黑者易治黑則難治也諸利同法然辨痢色以明熱者更當審其藥物之色也則知小兒病熱吐利霍亂其乳未及消化而利尚白者不可便言為寒當以脉証別之又法曰凡泄利小便清白不瀉為寒赤瀉者為熱也又法曰完穀不化而色不變吐利腥穢澄澈清冷小便不瀉身涼不渴脉遲細而微者寒証也穀雖不化其色變白煩渴小便赤黃而或瀉者熱証也凡穀消化者無問他証便為熱也

○體重

註云輕清為天重濁為地故土濕為則體重痞使然也

○附腫肉如泥按之不起

註云按之不起泥之象也土過濕則為泥濕為病也積飲痞隔中滿體重霍亂吐下故甚則附腫矣

○火者少陽相火之熱乃心包絡三焦之氣也

○諸熱瞢

註云昏也則口酒醉而心火熱甚則神濁昧而瞢昏也

○憇

註云動也惕跳動憇火之體也

○暴瘖

註云卒誣也金肺主聲火旺水衰熱乘金肺而神濁氣鬱則暴瘖而無聲也

○胃昧

註云胃昏胃也昧昏暗也氣熱則神濁胃昧火之體也

○躁擾

註云躁動煩熱擾亂而不寧火之躰也熱甚於外則肢躰躁擾熱甚於內則神志躁動反覆顛倒懊懷煩

心不得眠也由水衰而水之動也故心胸躁動謂之怔忡俗云心忪皆為熱也

○狂越

註云狂者無正定也越者乖越理法而失常也然外清內濁動亂參差火之體也由是腎水主智而水火相反故心火旺則腎水衰乃失志而狂越也九發熱於中則多干陽明胃經也故經云陽明之厥面赤而熱妄言

○罵詈

註云言為火之聲也罵詈言之惡也今病陽實陰虛則水弱火強制金而不能平木而善言惡言不避親疎木火熱之所生也

○驚駭

註云驚者愕也火之用也

○附腫

註云熱勝內而陽氣鬱滯故也

○痰凌

註云酸痰也由火實制金不能平木則木王而為蕪化故酸痰也

○氣逆衝上

註云火氣炎上故也

○禁慄如喪神守

註云戰慄禁今也如喪神守者神能御形而反禁慄則如喪失保守形體之神也

○嚏

註云鼻中因瘁氣積於聲鼻為肺竅瘁為火化心火邪熱干于陽明發于鼻瘁則嚏也

○瘡瘍

註云君火同也

○候痺

註云痺不仁也俗作閉猶塞也火主腫脹故客熱于上熱而咽噤腫脹也

○耳鳴

註云有聲非妄聞也耳為腎竅交會於太陽少陰足厥陰少陰少陽之經若水虛火實而熱氣上甚客其經絡衝于耳中則鼓其聰聲隨其脉氣微甚而作音聲也故經曰陽氣為物上甚而躍故耳鳴也然音在耳中故微亦聞之也

○聾

註云聾為腎虛冷俗已誤之矣夫正理曰心火本熱

衰則寒也腎水本寒衰則熱也腎水既少豈能反爲  
寒耶故經言足少陰腎水虛則爲滿身重滯泄澹瘍  
大便難口苦舌乾咽腫上氣噎乾及痛煩心心痛黃  
疸腸泄下血皆熱証也凡治證者適其所宜若熱証  
已退其證不已者當以辛熱發之二三服不愈者不  
可久服熱藥極恐他病若證有熱証相兼者宜以散  
風退熱涼藥調之熱退結散而愈也然證甚閉絕亦  
爲難矣慎不可攻之過猛則傷正氣也

○嘔湧溢食不下

注云火氣炎上故也胃隔熱甚則傳化失常故也

○目味不明

註云目赤腫痛翳膜皆傷皆爲熱也經云熱甚目瞑  
眼黑也仲景傷寒病熱極則目不識人乃目盲也正  
理曰由熱甚怫鬱於目而致之然也

○暴注

註云卒泄與君火義同

○闞蹙

註云惕跳動也火主動故夏熱則脉洪大長闞蹙之  
象也

○暴病卒死

註云火性速疾故也或心火暴甚而腎水衰弱不能  
制之熱甚佛鬱心神昏冒則筋骨不用卒倒而無所  
知是爲僵仆也甚則水化制之熱甚而生涎至極即  
死也俗云暗風由火甚制金不能平木故風木自甚  
也肥人腠理緻密而多鬱滯氣血難以通利若陽  
熱又甚而鬱結甚則故卒中也瘦人反中風者由暴  
然陽熱太甚而鬱結不通故也

○燥者陽明燥金乃肺與大腸之氣也

○瀯

註云凡物濕潤則滑澤乾燥則瀯滯燥濕相反故也

然遍身中外瀯滯皆屬燥金之化也故秋脉瀯瀯澁  
也或麻者亦由澁也由水液衰少而燥澁氣行壅滯  
而不滑澤通利氣強攻衝而爲麻也俗方多用烏附  
輩者令氣因之行開道路以得通利氣行故麻愈也  
無熱証即當此法治之甚佳或風熱勝濕爲燥因而  
病麻則退風散熱活血養液潤燥通氣之涼藥調之  
則麻自愈也治燥澁只如此是也

○枯涸乾勁

註云枯不榮生也涸無水液也乾不滋潤也勁不柔  
和也然春秋相反燥濕不同也大法曰身表熱爲熱



在表渴飲水為熱在裏身熱飲水表裏俱有熱身涼  
不渴表裏俱無熱經所不取火化渴者謂渴非特為  
渴則如寒吐利亡液過極則亦燥而渴也雖病風熱  
而液尚未衰則亦不渴也豈可止言渴為熱而痞為  
寒也

○皴揭

註云皮膚皴裂也乾為天為燥金坤為地為濕土天  
地相反燥濕異用故燥金主於緊皴故秋脉緊細而  
微而濕土主於縱緩故六月其脉緩大而長也則如  
地濕則縱緩滑澤乾則緊歛燥緊皴揭之理明矣俗

言皴揭為風者由風能勝濕而為燥故也經云厥陰

所至為風府為豐啓由風勝濕而為燥也

○寒者太陽寒水乃腎與膀胱之氣也

○諸病上下所出水液澄澈清冷

註云澄湛而不渾濁也水體清淨而其氣寒冷故水  
穀不化而吐利清冷水液為病寒也則如天氣寒則  
濁水自然澄清也

○癥

註云腹中堅硬按之應手謂之癥也水體柔順而今  
反堅硬如地體者亢則害承乃制也故云濕地過極

而為瘧反兼風化制之也風病過極而反燥筋脉動  
急反兼金化制之也燥病過極而煩渴反兼火化制  
之也熱病過極而反出五液或為戰慄惡寒反兼水  
化制之也其為治者俾以泄其過極之氣以為病本  
不可反悞治其兼化也夫五常之道甚則無以制之  
則造化息矣則如春木王而多風風大則反涼是反  
兼金化制其木也大涼之下天氣反溫乃火化承其  
金也夏火熱極體反出液是反兼水化制其火也因  
而濕陰雲雨乃土化承于水也雨濕過極而煎裂風  
乃木化制其土也飄聚之下秋氣反涼乃金化承于

水也水極而反燥乃火化制其金也因而于冬乃水  
化承于火也寒極則水水如地乃土化制其水也凝  
凍極而起東風乃木化承土而成歲也凡不明病之  
標本者由未知此變化之道也

○瘕

註云腹中雖硬而忽聚忽散無有常準經曰血不流  
而寒薄故血內凝不流而成瘕也一云腹內結病也  
又曰小腸移熱于大腸為伏瘕為沉滯曰小腸熱以  
移入大腸兩熱相搏則血溢而為伏瘕也血溢不利  
則月事沉滯而不行故云為虛假為沉虛乃或陽氣

鬱結而堅硬不消者非寒瘕也宜以脉註別之瘕即  
疝也傳寫之誤

○癰疝

註云小腹連卵腫急絞痛也寒主拘縮故也寒極而  
土化制之故腫滿也經云丈夫癰疝謂陰器連小腹  
急痛也經曰寒氣聚而為疝也脉急者寒之象也然  
寒則脉當短小而遲今言急者非急數而洪也由緊  
脉主痛急為痛甚也病寒雖急亦短小也所以有痛  
而脉緊急者脉為心所養也凡氣為痛則心神不寧  
而緊急不得舒緩故脉亦之而見也欲知何氣為其

為熱痛之類也  
一、緊急相兼之脉可知矣則如緊急洪數

○堅痞腹滿急痛

註云寒主拘縮故急痛也寒極則血脉凝滯而反蒸  
土化制之故堅痞而腹滿也或熱鬱於內而腹滿堅  
結痛也不可言為寒也當以脉別之

○下利清白

註云寒則清淨明白故也

○食已不飢

註云胃熱則消穀善飢故病寒食雖已而不飢也胃

隔潤澤而無燥熱故也或邪熱不殺穀而腹熱脹滿  
雖數日而不食亦不飢者不可言爲寒也由陽熱大  
甚而鬱結傳化失常故雖不食亦不飢也二証以脉  
別之自見

○吐痢腥穢

註云腸胃寒而傳化失常我子雖制鬼賊故寒勝火  
衰金王而吐利腥穢也腥者金之臭也由是熱則吐  
利酸臭而寒則吐利腥穢也田飯漿熱則喜酸寒則  
水腥也

○屈伸不便厥逆禁固

註云陰水生於清淨故病寒則四肢逆以而禁止堅  
固舒卷不便也故冬脉沉而短以數病之象也或病  
尚微而未至於厥逆也不可反以爲熱或熱甚而成  
陽厥者不可反以爲病寒也然陰厥者元病脉候皆  
爲陰証身涼不渴脉遲細而微未常見於陽証也其  
陽厥者元病脉証皆爲陽証熱極而反厥而復反溫  
雖厥而煩渴謔妄身熱而脉數也若陽厥逆深而至  
身冷反見陰脉而欲絕者上爲熱極而欲死也經曰  
一陰一陽之謂道偏陰偏陽之謂疾陰陽以平爲和  
以偏爲病萬物皆負陰抱陽而生故孤陰不陽獨陽

不成是以陽氣極甚而陰氣極衰則陽氣沸鬱陰陽  
偏傾而不能宣行則陽氣畜聚於內而不能榮運於  
四肢則手足厥冷為陽厥仲景曰熱深則厥亦深熱  
微則厥亦微又曰厥當下之下後厥愈當以涼藥養  
陰退陽涼隔散調胃承氣湯下之是也大凡治病者  
必先明其標本也標者末本者根源也故經曰先病  
為本後病為標又曰標本相傳先以治其治急者若  
言六氣為本三陰三陽為標攻病氣為本受病經絡  
臟腑為之標夫標本微甚治以逆從不可不通矣故  
經曰知逆與從正行無問明知標本萬萬萬當不知

標本是以妄行正此謂也

○風

治一切風執鬱結氣血蘊滯筋脉拘攣手足麻痺肢  
體焦痿頭痛昏眩腰脊強痛耳鳴鼻塞口苦舌乾咽  
啞不利胸膈痞塞喘滿涕唾稠粘腸胃燥澀便溺淋  
閉或腸胃蘊熱鬱結水液不能浸潤於周身而為小  
便多出者或濕熱內甚而有溇泄者或表之正氣與  
邪氣併甚於裏陽極似陰而寒戰煩渴者或熱甚變  
為癰疾久不已者或風熱走注疼痛麻痺者或腎水  
陰虛心火陽甚熱暴甚中風或暴瘖不語及暗風癱

病或破傷中風時發潮熱搐弄小兒熱甚驚風或斑疹未出不快者或熱極黑陷將欲死者或風熱瘡疥久不愈者并耽酒熱及調理傷寒發汗不解頭項肢體疼痛並宜服之

防風

二錢

川芎

五錢

石膏

一錢

滑石

二錢

當歸

一兩

赤芍

五錢

甘草

半錢

大黃

五錢

荆芥穗

二錢

薄荷

二兩

麻黃

五錢去根

白木

五錢

山柰

二錢

連翹

黃芩

根

桔梗

牛膝酒浸

人參

半夏

姜制

以上

共五錢右爲粗末每服四錢水一椀生姜三片煎至

六分去滓溫服不計時候日二服病甚者五七錢至兩極甚者須可下之多服或三兩得利後即當服三五錢以意加減病愈更宜常服則無所損不能再作

靈砂丹

治風熱鬱結血氣蘊滯頭目昏眩鼻塞清涕口苦舌乾咽嗑不利胸膈痞悶咳嗽痰實腸胃燥澀小便赤或腎水陰虛心火熾甚及偏正頭風痛髮落齒痛遍身麻木疥癬瘡湯一切風熱並皆治之

獨活

羌活

細辛

石膏

防風

連翹

薄荷兩二 川芎 山梔 荆芥 芍藥 當歸

黃芩 大黃生 全蝎 桔梗錢一兩 滑石 四兩 菊花

人參 白木各半兩 寒水石生用 砂仁 一錢 甘草三兩生

朱砂為衣

右為細末煉蜜為丸每兩作十九朱砂為衣每茶清

嚼一九食後服

○神仙換骨丹

治氣血凝滯榮衛鬱結風熱濕氣相搏筋骨之間內  
含偏虛發為不遂之病氣感八風血凝五心筋攣骨  
痛癱瘓偏枯一切風証並宜治之服之神效難以言

宣

槐角炒黃 桑白皮去 川芎 蒼朮 白芷

蔓荊子去 威靈仙 何首烏 防風 苦參各二兩

五味子 香附各一兩 麝半兩 麻黃各一兩 朱砂飛

右將麻黃去根苗節用河水三石三斗三升小斗七

升是也熬至六升瀝去麻黃澄清再熬至二升半入

其餘藥末每一兩三錢作十九朱砂為衣每一丸酒

一錢浸至晚溶化臨卧服

○不換金丹

退風散熱治風有二法引經和血及開腠理經脈凝

滯非守經則血不順是治于內也皮膚癢結非開發  
則榮衛不和是調理于外也此亦發散之藥也

荊芥穗

白僵蚕炒天麻

甘草各一兩羌活去芦

川芎

白附子生川烏頭生

蝎梢去毒

藿香

各半薄荷三兩防風一兩

右為細末煉蜜丸彈子大每服細啣茶清下如口喎  
向左即右總上塗之即止

○花蛇續命湯

治卒中風牙關緊急精神昏愦口眼喎斜不知人事  
痰涎不利喉中作聲

白花蛇

酒浸去皮  
骨焙乾

全蝎炒

獨活

天麻

附子

人參

防風

肉桂

白朮

藜蘆

白附子炮赤箭

川芎

紅辛去

甘草灸

白僵蚕去絲灰炒

半夏湯浸

白茯苓

去皮麻黃去節水煮三沸去沫  
細切以上各一兩

右為倉末每服五錢水一瓊生薑五片煎至七分去  
滓稍熱服不拘時

○加減中和湯

治中府之病宣外陽補脾胃瀉風木實表裏養榮衛  
柴胡五分升麻三分黃芪五分半夏二分黃芩



陳皮

人參

芍藥

甘草

各二分當歸

黃柏酒浸各三分

右剉如麻豆大作一服水二錢煎至一盞去滓稍熱  
如有自汗多者加黃芪半分嗽者加五倍子二十立

○防風天麻湯

治風痺走注肢節疼痛中風偏枯或暴瘖不語內外

風熱壅滯解昏眩

防風

川芎

天麻

羌活

白芷

當歸

草烏頭

白附子

荊芥穗

甘草

各半兩灸

滑石二兩

右為末熟酒化蜜少許調半錢加至一錢藥力運  
行微麻為度或煉蜜如彈子大每服一九熟酒化下  
或半九細嚼白湯下亦得散爵結宣氣血如甚者服  
防風通聖散

○祛風丸

治風偏手足戰掉語言蹇澁筋骨痛

烏頭炮

天南星

草烏頭炮

半夏

菴豆粉

各一兩

甘草

川芎

白僵蚕

藿香

茯苓香

地龍

蝎梢

各三兩

川姜半兩泡

右末一兩用菴豆粉一兩白麵二兩滴水九梧桐子

大每三五丸細嚼茶清下或五七丸亦得食後服初服三九漸加多

○大通聖白花蛇散 中府之藥也

大治諸風無問新久手足解曳腰脚緩弱行步不正精神昏昧口眼喎斜語言蹇澁痰涎壅盛筋脉攣急肌肉頑痺皮膚燥痒骨節疼目眩下注腰脚疼痛腿重腫痒生瘡或痛無常遊走不定及風氣上攻面浮耳鳴並宜服之

天麻 祛風 蕪本 香木 海洞皮  
肉桂 杜仲 炒干山藥 當歸 威靈仙

白附子 炮菊花 蔓荊子 羌活 虎骨

白芷 蝎子 白花地 骨內用 蕪蔚  
甘草 炙 牛膝 去苗 郁李仁 研 厚朴 姜制各

右為末每服一錢至二錢溫酒調下荆芥湯調下亦得空心服之常服祛風逐氣通行榮衛久病風人尤宜常服輕可中風不過二十服平安知故

○活命金丹

治風中臟不語半身不遂肢節頑痺痰涎上潮咽噤不利飲食不下牙關緊禁及解一切藥毒發熱腹脹大小便不利胸膈痞滿上實下虛氣閉面赤汗後餘

熱不退勞病諸藥無問老幼婦人俱得服之

川芎

甘草

板藍根

葛根各一兩

龍腦

二錢研麝香

二錢研牛黃

生犀

桂三錢

珠子粉

兩半

川大黃

兩半

辰砂

四錢

一錢

青黛

三錢

薄荷

五錢

右為細末煉蜜同水浸蒸餅糊為劑每一兩作十九別入朱砂為衣就濕以真金箔四十葉為衣臈月修合磁器內收貯多年不壞如風毒茶清送下解毒藥新冷水化下餘熱勞病及小兒驚熱薄荷湯化下已上煎量大小加減用之

○至寶丹

治卒中風急不語中惡氣卒中諸物毒暗風卒熱痰毒陰陽三毒嵐瘴毒悞中暑毒產後血暈口鼻血出惡血上攻心毒煩燥心肺積熱霍亂吐利風注筋惕大腸風溢神魂恍惚頭目風眩眠卧不安唇口乾焦傷寒狂語小兒急驚風熱卒中客忤不得眠煩燥驚風搐搦以上無不化者

辰砂

五兩

生犀

五兩

麝香

二兩

玳瑁

五兩

牛黃

二兩

龍腦

五兩

人參

五兩

銀箔

一百二十片

一兩

琥珀

五兩

安息香

五兩

用酒

金箔

二百二十片

一兩

入藥

入藥

雄黃一兩

南星二兩

水煮軟切片一法酒  
升半浸蒸七次焙乾用

右為細末半用安息香膏次煉蜜一處攪和為丸梧  
桐子大每服三九至五九煎入參湯下之小兒至二  
九湯下之同上

○牛黃通膈湯

治初病風証覺一二日實則急下之

牛黃二錢

大黃一兩

甘草一兩

朴硝三錢

右件為末每服一兩水二鍾除牛黃朴硝外煎至一  
盞去滓入牛黃朴硝一半調服以利三二行為度未  
利再量虛實加減服之

○白虎湯

傷寒大汗出後表証已解心腹大煩渴欲飲水及吐  
或下後七八日邪毒不解熱結在裏表裏俱熱時  
惡風大渴舌上乾燥而煩欲飲數升者宜服之又治  
夏月中暑毒汗出思寒身熱而渴

知母

去皮一兩

甘草一兩

粳米一合

右為末每服三錢水一盞半煎至一錢去滓溫服小

兒量力與之或加入參少許同煎亦得食後服此藥  
立夏後秋前可服春時及秋後并亡血虛人不宜服

○桂苓甘露飲

治飲水不消嘔吐瀉利流濕潤燥宣通氣液水腫脹  
脹泄瀉不能上者兼治霍亂吐瀉下利赤白煩渴解  
暑毒大有神効兼利小便

白茯苓

去皮

白朮

猪苓

甘草

炙澤瀉已上各

寒水石

別研

桂

去粗皮

半兩

○桂苓白朮散

右為末或煎或水調二三錢任意或入蜜少許亦得  
治胃暑飲食所傷轉甚濕熱或甚霍亂吐瀉轉筋急  
瀉腹滿瀉悶小兒吐瀉驚風宜服之

六白

桂

藿香

人參

茯苓

去皮各半兩

甘草

白朮

葛根

澤瀉

寒水石

各一兩

滑石

石膏

茹為末每服三錢白湯調下新水或生姜湯亦得

○益元散

桂府滑石

二兩燒紅

甘草

一兩

右為極細末每服三錢蜜少許溫水調下無蜜亦得  
或飲冷者新水亦得或發汗煎葱白豆豉湯調無特  
服

○竹葉石膏湯

治傷寒解後虛羸少氣氣逆

淡竹葉

六錢半剉

石膏

四兩剉研

人參

甘草

各半炙

麥門冬

半兩

半夏

二錢半湯洗

右剉如麻豆大每服五錢水一盞半入粳米百餘粒煮取八分米熟去滓溫服

○化癥玉壺丸

南星

半夏生

天麻

各一兩

白麩

三兩

右為細末滴水丸梧子大每服三十九用水一大盞先煎令沸下藥煮候浮漉出方熟放溫別用生姜湯下不拘時候

○四君子湯

治煩熱燥渴

白茯苓

去皮

人參

去芦

甘草

炙

白朮

各等分

右咬咀以三錢水一盞煎至七分去滓溫服

○白水散

治諸煩熱渴津液內耗不問陰陽服之止渴生津液

白朮

人參

白茯苓

去皮

甘草

炙

藿香

木香

各一兩

乾葛

二兩

右為粗末每服三錢水一盞煎至七分去滓溫服不拘時候

○小柴胡湯

治傷寒溫病惡風頸項強急胸膈脇痛嘔噦煩渴寒熱往來身面皆黃小便不利大便秘硬或過經不解潮熱不除及瘥後勞復發熱頭痛婦人傷風頭痛煩熱經血適斷寒熱如瘧發作有時及產後傷風頭痛煩熱並宜服之

柴胡

四兩  
去苗

黃芩

人參

半夏

湯洗七次

甘草

各一兩半

右為粗末每服二錢水一盞半生姜五片棗子一枚擘破同煎至七分去渣熱服不拘時小兒分作二服

正量加減

○升麻葛根湯

治大人小兒時氣瘟疫頭痛發熱肢身煩熱瘡疹未發並宜服之

升麻

葛根

甘草

炙

芍藥

各半兩

右為末每服三錢水一盞半煎至一盞去渣稍熱服不拘時日進二三服病去身涼為度小兒量力與服

濕土

○葶藶木香散

治濕熱內外餘水腫脹小便赤澀大便滑瀉

葶藶

猪苓去皮

白木

猪苓去皮各一两

木香半钱

澤瀉

木通

甘草各半两

桂一钱

滑石

右為細末每服三錢白湯調下食前服此藥下水消腫脹止瀉利小便若小便不得通利而反轉泄者此乃濕熱癰悶極深而攻之不開故反為注瀉此正氣已衰多難救也慎不可攻之而無益耳

○白木木香散

治喘嗽腫滿欲變成水病者不能卧不欲飲食小便閉者

白木

猪苓去皮

澤瀉

赤茯苓已上各半两

木香

陳皮二两

白檳榔

官桂各二钱

滑石

右為粗末每服五錢水一盞生姜三片煎至七分去渣食前溫服

○大橘皮湯

治濕熱內甚心腹脹滿水腫小便不利大便滑泄

橘皮半两

木香一钱

滑石六钱

檳榔三钱

茯苓一两

猪苓去皮

澤瀉

白木

官桂各半两

甘草三钱

右為末每服五錢水一盞姜五片煎至七分去渣溫服



○桂花白朮丸

藥方名似不相符誠然不類

消痰逆止咳嗽散痞備壅塞開堅結痛悶進飲食調和臟腑無間寒濕熱嘔吐瀉利皆能開發以令通身流濕潤燥氣液宣平而愈并解酒毒蕪瘰肺癆勞嗽水腫脹瀉利不能止者服之利止爲度後隨証調之

半生姜

澤瀉

紅皮

法按各半兩

右麩糊爲丸小豆大每服二三十丸姜湯下日進三服病隔上食後服膈下食前服中者不拘時或一法加黃連半兩黃柏二兩取效甚妙

○六一散

治身熱嘔吐泄瀉腸癖下利赤白治瘧閉淋瀝利小

便偏蕩胃中積聚寒熱益精通九竅六腑津液去留

結消畜水止渴利中除煩熱心燥治腹脹痛補益五

臟大養脾胃腎之氣理內傷陰痿安魂定魄補五勞

七傷一切虛損主病癰瘰驚悸健忘心煩滿短氣藏

傷咳嗽飲食不下肌肉疼痛治口瘡牙齒非蝕明耳

目壯筋骨通血脈和血氣消水穀保真元解百藥酒

食邪毒及勞瘵肌渴寒熱暹中外諸邪所傷久服強

志輕身駐顏延壽及解暑傷寒瘰癧飢飽勞損憂愁

思慮慧慈驚恐傳染并汗熱遺熱勞復諸病并解兩

感傷寒能令通身結滯宜通氣血而愈及婦人下乳  
催生并產後損液血衰陰虛熱甚一切熱病並宜服  
之薰不患妨發吹效乳或已覺吹乳乳結頸服即愈  
乃神驗之仙藥也惟孕婦不可服

滑石六兩燒紅甘草一兩微炒

右爲細末每服三錢蜜少許溫水調下無蜜亦得日  
三四服以故爲度此藥寒涼解散熱鬱痰病志不可  
解多服無害但有益耳

○五苓散

治傷寒溫熱病在表裏未解頭痛發熱口渴嘔乾煩

渴飲水或水入即吐小便不利及汗出表解渴不  
止者宜服之及治霍亂吐利煩渴飲水

澤瀉二兩

猪苓

赤茯苓

去皮

白木

官桂

去皮各一兩

右爲粗末每服三錢熱湯下惡熱欲飲冷者新水調  
下或生薑湯下愈加或加滑石二兩甚佳或喘嗽咳  
煩心不得安者加何膠半兩及治瘵熱在裏身發黃  
疸濃煎茵陳蒿湯調下食前服痘病發渴及中水引  
飲亦可服新汲水調下小兒加白木末少許如虛熱  
加黃芪人參末少許

○赤茯苓丸

治脾胃濕大過四肢腫滿腹脹喘逆氣不宣通小便

赤澁

葶藶炒四兩

防己二兩

赤茯苓一兩木香半兩

右為細末棗肉丸梧桐子大每服三十九丸桑白皮湯

食前下

○人參葶藶丸

治一切水腫喘滿不可當者

人參去苦

葶藶炒四兩

右為細末棗肉丸梧桐子大每三十九丸煎桑白皮湯下

○海藻散

治男子遍身虛腫喘滿悶不快者

海藻剉碎

川大黃

大戟並剉

續隨子去殼已

上各一兩

右件好酒二鍾淨碗內浸不宿取去晒乾後用

甘遂麩炒黃

白牽牛一兩

生滑石半兩

肉豆蔻

青皮去穢

橘皮去白已上各一兩

右為細末每服二錢如氣實者三錢半平明冷茶清

調下至辰時取下水二三行腫減五七分隔二三日

平明又一服躡消魚肉鹽皆忌一曰小兒腫一錢五

歲以下者半錢孕婦勿服

○火

○京屬散

治傷表不能解汗在裏下証未全下後燥熱怫悞于  
內心煩懊懷不得眠臟腑積熱煩渴頭昏唇乾咽燥  
喉痺目赤頰硬口舌生瘡咳唾稠粘謔語狂妄腸胃  
燥澁溺閉結風熱壅滯瘡癬發斑驚風熱極豆黑陷  
欲死者

連翹 一兩 山梔

大黃

薄荷

朴硝 一錢

黃芩

已上各半兩

甘草 一兩半

加減法

咽喉及涎嗽荆芥半兩桔梗一兩

咳而

驅毒丸 半夏半兩每生薑三片同煎

血如紫黑

歸 風眩目痛加川芎半兩石膏三兩防風半兩  
疹加葛根一兩荆芥半兩赤芍川芎防風桔梗各半  
兩石為末每服二錢至五錢水一盞蜜少許同煎至  
七分去渣溫服虛實加減如前或小兒可服七分八  
分或無熱甚黑陷腹脹喘急小便赤澁而將死者此  
一服更加大承氣湯約下之得利者即差

○黃連解毒湯

治傷寒熱病燥熱毒煩悶乾嘔吐噪呻吟喘滿陽厥  
極深畜熱內甚俗妄傳于陰毒者及下之前後寒熱

不退諸藥無屬并兩感証同

黃連

黃柏

黃芩

大梔子 各半兩

右如麻豆大每服半兩水一盞煎至四分去渣溫服  
或腹滿嘔吐或欬作利者每服加半夏三箇厚朴二  
錢茯苓四錢去皮水一盞半姜三片煎半盞去滓溫  
服名曰黃連半夏解毒湯

○三一承氣湯

治傷寒雜証內外所傷日數遠近腹滿咽乾煩渴證  
妄心下按之硬痛小便赤澀大便結滯或腹熱內爲  
滑泄熱甚喘咳悶亂驚悸狂顛目痛口澀舌腫夜痺

癰瘍陽明胃熱發斑脉沉而可下者小此

潮搐昏塞并斑疹黑陷不退小便不通腹

斑疹後熱不退久不作亦或作斑癩瘡癩久不已者

拂熱內盛痲痺堅積黃瘦瘡疾久新暴卒心痛風痰

酒隔腸垢積滯久躑風熱暴傷酒食煩心悶亂脉數

沉實或腎水除虛陽熱暴甚而僵仆卒中一切暴瘡

不語畜熱內傷陽厥極深脉反沉細欲絕或表冲和

正氣與邪氣并心于裏則裏熱亢極以陰反爲寒戰

脉微而絕或風燥甚客于下焦而大小便澀滯不通

者或產後死胎不下或兩感表裏熱甚須可下

大黃 芒硝 枳殼 厚朴各半 甘草一兩

右剉如麻豆大分一半水一盞半姜三片煎至六分下硝一二沸去渣熱服以利爲度熱甚者作一服得利爲効臨時消息

○八正散

治大人小兒心經邪熱一切蘊毒咽乾口燥大渴引飲心忪面熱燥不字目赤睛痛唇焦鼻衄口舌生瘡咽喉腫痛又治小便赤澀或澀閉不通及熱淋血淋並宜服之

大黃麩裹服 瞿麥 木通 扁竹中煎子

山柰 甘草炙 滑石已上各一兩

右爲散每服二錢水一盞燈心此子煎至十分去渣濕服食後臨卧小兒量力與之

○洗心散

治風壅壯熱頭目昏痛肩背急肢節煩疼熱氣上衝口苦唇焦咽喉腫痛痰涎壅滯涕唾稠粘心神煩燥眼澀睛疼及寒壅不調鼻塞聲重咽乾多渴五心煩熱小便赤澀大便閉硬宜服

大黃面裹服 甘草炙 當歸去苗 芍藥  
麻黃去根 荆芥穗各半兩 白木三錢

右爲細末每服二錢水一盞生姜薄荷各少許同煎至七分去滓內硝更上火煎一二沸服之

○大承氣湯

治痞滿燥實地道不通

大黃

苦寒 一兩

厚朴

苦寒 剉二兩

芒硝

鹹寒 一合

枳殼

苦酸 剉

右四味以水五升先煎二味取三升去滓內大黃取二升去滓入芒硝更上火微煎一二沸分二服得下勿服餘者方內去硝即小承氣湯也治証同

○柴胡飲子

鮮一切肌熱蒸熱積熱及寒熱往來畜熱或果戰及

傷寒發汗不解或不經發汗傳受表裏俱實口乾煩渴或表熱入裏下証未全下後熱未愈及汗後餘熱勞復或婦人經病不快產後但有如此之証並宜服之乃氣分熱也

柴胡

人參

黃芩

甘草

大黃

當歸

芍藥

各半兩

右爲粗末每服四錢水一盞姜三片煎至六分去滓溫服小兒分三服不拘時日三服除病爲度熱甚加服

○白虎湯

○桃仁承氣

治熱結膀胱其人如

熱血出而愈

芒硝

甘草

桂皮

各六

桃仁

廿以緩之辛以散之小

畜血散以桂枝之辛火熱之氣寒以收之熱其搏血

加三物于調胃承氣湯中之

右五味以水二升三合煮取一升二合去滓內芒硝

煎一二沸分五服

○神芎丸

治一切熱証常服保養除痰消酒食清頭目利咽膈

能令遍身結滯宣通氣利而愈神強體重耐傷骨病

并婦人經病產後血滯腰脚重痛小兒積熱驚風潮

搐藏用丸亦曰顯仁丸加黃連川芎薄荷各半兩名

曰神芎丸

大黃

黃芩

各二

牽牛

滑石

各四兩

右為末滴水丸如小豆大或煉蜜丸亦效每十五丸

加至五七十丸溫水下冷水亦得

燥



○脾約丸

約者約束之象又曰約束之約也內經曰飲入于胃  
游溢精氣上輸于脾脾氣散精上歸于肺通調水道  
下輸膀胱水精四布五經並行其津液者脾氣結約  
束精液不得四布五經但輸膀胱致小便數大便硬  
故曰其脾爲約麻仁味甘平杏仁甘溫內經曰脾欲  
緩急食甘以緩之麻仁杏仁杏仁潤物也本草曰潤可以  
去枯腸燥必以甘潤之物爲主是以麻仁爲君杏仁  
爲臣枳殼味苦寒厚朴味苦溫潤燥者必以甘甘以  
潤之破結者必以苦苦以泄之枳殼厚朴爲佐以散  
脾之約芍藥味酸微寒大寒味苦湧泄爲臣芍藥大  
黃爲使以下脾之結燥潤結化津液還入胃中則大  
便利小便數愈

麻仁 一兩

白芍藥

枳殼

厚朴

各半兩

大黃 二兩

杏仁 湯去尖研三錢

右爲極細末蜜九梧子大米飲下三十九日進三服  
漸加以利爲度

○潤腸丸

治脾胃伏火大便秘或乾燥秘澀不通全不思食及  
風結秘血結秘皆令悶塞也以潤風燥和血疎風自

通利矣

麻仁

桃仁去皮羌活

當歸

大黃各半

右除麻仁桃仁別研如泥余藥細研煉蜜丸梧子大每服五十九至百九空心白湯下如大便不通而澁滋其榮養者急加酒洗大黃如風結燥大便不行加桃仁大黃如風澁大便不行者加皂角仁大黃秦芫以利之如脉澁覺身有氣証而大便不通者加郁李仁大黃以除氣澁

○當歸潤燥湯

升麻一兩

當歸一兩

生地黃兩

甘草一錢

熟地黃一錢

桃仁一錢研

麻仁一錢紅花

大黃一錢煨

右挑仁麻仁別研如泥餘剉作一服水二鍾入挑麻仁煎至一盞去渣空心宿食消盡稍熱服

○橘杏丸

治氣閉老人虛弱皆可服

橘皮

杏仁湯浸去皮尖

右二味等分煉蜜丸梧子大每服七十九空心米飲

下

○七宣丸

療風氣治結聚宿食不消蒸石皮毛 在腹中及積  
年腰脚疼痛冷如水石脚氣衝心煩頭如暗倒有背  
重悶心腹脹滿胸膈閉塞風毒腫氣連及頭面大便  
或秘小便時澀脾胃氣痞不能飲食脚轉筋掣急痛  
心神恍惚眠卧不安等疾

柴胡

去苗 五兩

桃仁

去皮 六兩

枳實

炒 五兩

呵子皮

五兩

木香

五兩

大黃

十五兩

甘草

炙 四兩

右為細末煉蜜丸梧子大每服二十九食前臨卧服  
米飲下一服加至四五十丸宣利為度覺病勢退服  
五補丸不問男女老幼並可服之量與加減

麻仁丸

潤三焦和五藏潤腸胃除風氣及治風熱壅結津液  
耗少令大便閉澀不通高年及有風人大便秘且服  
之

枳實

麩炒 兩半

白枳

椰 各一兩半

羌活

一兩洗

兔絲

子

一兩半 酒浸別末

笨莖

一兩生

郁李仁

四兩去皮

車前子

半兩

肉桂

一兩

木香

一兩

大黃

四兩半

麻仁

四兩別研

右為細末煉蜜丸如梧子大每服十五丸至二十九  
臨卧溫水下

○神功丸

治三焦氣壅心腹痞悶六腑風熱大便不通腰脚疼  
痛肩背重悶頭昏目熱口苦咽乾心腹煩燥眠卧不  
安及治脚氣并素有風大便結燥

大黃四兩

麩煨

麻仁別研

人參二兩

訶子皮四兩

右一處研煉蜜丸如梧子大每服三十九溫水下酒  
亦得食後服如大便不通倍服利為度

○厚朴湯

凡治臟腑之秘不可一例治療有虛秘有實秘有胃  
實而秘者能飲食小便赤當以麻仁丸七七宣丸之類

主之○壅而秘者不能飲食小便清利厚朴湯

厚朴五兩

白朮五兩

半夏二兩

枳殼二兩

陳皮三兩

右為細末每服三錢水盞半姜三片棗三箇煎至一  
盞去滓溫服空心食前 胃實秘物也胃虛秘氣也

○七聖丸

治風氣壅盛痰熱結搏頭目昏重涕唾稠粘心煩面  
熱咽乾口燥精神不爽夜卧不安有背拘急胸膈痞  
悶腹脹脇滿腰腿重痛大便秘澀小便赤澀宜服之

川芎

肉桂

木香

大黃

各半兩酒浸

羌活兩

郁李仁一兩去皮

檳榔半兩

右煉蜜丸梧子大每十五丸至二十九丸溫水下食後  
臨臥嵐瘴地最宜服之

○犀角丸

治三焦邪熱一切風氣及治風盛痰實頭目昏重肢  
體拘急痰涎壅塞腸胃燥結大小便難

黃連

犀角各一兩

人參二兩

大黃八兩

黑牽牛二十兩

右與黑牽牛和合入細末煉蜜丸如梧子每服十五  
丸至二十九丸時溫水下更量虛實加減

寒水

○大已寒丸

治大寒積冷臟腑虛實心腹疼痛脇脹滿泄瀉腸  
鳴下利自汗米穀不化陽氣暴衰陰氣獨勝手足厥  
冷傷寒陰勝神昏脈短四肢怠惰並宜服之

干姜

良姜各六兩

桂

單撥各四兩

右水糊丸梧子大每二十九丸米飲湯下食前服

○四逆湯

治陰証傷寒自利不渴嘔噦不止吐利俱作小便澀  
或利脈微欲絕腹痛脹滿手足厥冷或痿內寒外熱

下利清穀四肢沉重或汗出不止並宜服之

甘草 六錢

乾姜 半兩

熟附子

一枚去皮

右咬咀每服四錢水一盞半煎至七分溫服不拘時

○附子理中丸

治脾胃冷弱心腹絞痛嘔吐泄利轉筋霍亂躄冷微汗手足厥冷心下逆滿腹中雷鳴嘔吐不止飲食不進及一切沉寒固冷並宜服之

人參

白朮

乾姜

甘草

附子

各二兩去皮

右煉蜜丸每一丸水一盞拍破煎至七分稍熱空心

食前服之

○胡椒理中丸

治脾胃虛寒氣不通宣咳嗽喘急逆氣虛痞胸膈噎悶腹脹滿痛迫塞短氣不能飲食嘔吐痰水不止

胡椒

萹撥

乾姜

款冬花

甘草

陳皮

良姜

細辛

去苗各四兩

白朮

五兩

右為細末煉蜜丸梧子大每服五丸至七丸溫酒下

不拘時日進三服

○理中丸

治中焦不和脾胃宿冷心下虛痞腹疼痛胸脇逆冷飲食不下噎氣吞酸口苦失味怠惰嗜卧不思飲食

及腸鳴自利米穀不化

白朮

乾姜炮

人參

去黃

甘草

炙各等分

右煉蜜丸梧子大每服三十九至五十九空心沸湯下為粗末理中湯也味數相同

○鐵刷湯

治積寒痰飲嘔吐不止胸膈不快飲食不下並宜服

之

半夏

草豆蔻

丁香

呵子皮

各三錢

乾姜炮

生薑一兩

右咬咀水五盞煎至二盞半去渣分三服相繼不

時大吐不止加附子三錢生薑半兩

○桂附丸

治風邪冷氣入乘心絡或腑臟暴感風寒上乘于心令人卒然心痛或引背脊甚則經久不差

川烏頭

三兩炮去皮臍

附子

三兩

乾姜

二兩炮

赤石脂

二兩

桂

二兩

蜀椒

去目微炒

右蜜丸如梧子大每三十九溫水下覺至痛處即止

若不止加至五十九以知為度若早朝服無所覺至

午後再二十九若久心痛每服三十九至五十九盡

一劑終身不發

○姜附湯

治五臟中寒或卒然暈悶手足厥冷

乾姜

附子炮去皮臍

甘草炙各半兩

右咬咀每服四錢水盞半姜五片煎至七分去渣食前服挾風不仁加防風半兩兼濕腫滿加白木半兩筋脉變急加木瓜半兩肢節痛加桂心半兩

○加減白通湯

治形寒飲冷大便自利完穀不化腹臍冷痛足脛寒逆處方云寒濕于內治以辛熱濕滯于內治以苦熱以苦發之以附子大辛熱助陽退陰溫經散寒

為君乾姜官桂辛甘大熱亦除寒濕白木半夏苦辛溫而燥脾濕故為臣草豆蔻炙甘草人參甘辛大溫溫中益氣生薑辛大溫能除濕之邪葱白辛溫以通上焦陽氣故以為佐又云補下治下制以急急則氣味厚故大作湯劑投之不數服而止痛減足脛漸溫調飲食數服平服

附子一兩去皮臍

乾姜炮

官桂錢五

白木五錢

草豆蔻煨

甘草

人參

半夏炮各五錢

右咬咀每兩水二盞半生姜五片葱五莖煎至一盞二分去滓空心服



○二姜丸

治痢冷

良姜

乾姜炮 三兩

右爲末酒糊丸梧子大每服三十九空心下

○木附湯

治沉寒痼冷

黑附子

白朮一兩半

甘草炙七錢半

右爲細末每服三五錢水盞半姜五片棗二枚拍破煎至一盞去滓食後溫服

新刊醫學啓源卷之中終